



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Quomodo ad Sacramentum Confirmationis accedendum. 9

urn:nbn:de:hbz:466:1-14298

C A P. V. *Populus docendus, quid velint
externa signa.*

P Ræterea docebunt populum, quid sit, quod catechizetur baptizandus; quid reliqua solemnia, quæ Ecclesia adhiberi voluit, signent; videlicet, Cur insuffletur in faciem baptizandi, cur signum Crucis & in pectore & in fronte fiat, cur sal in os detur, cur aures & nares sputo attingantur linianturque, cur inunctio in pectore & scapulis fiat, & cur post baptismi tinctio in vertice; denique, quid significet amictus albus, quo infans seu aliis baptizatus superinduitur. quæ omnia sunt mysteriorum plena; quemadmodum Enchiridion declarabit.

C A P. VI. *Quomodo accedendum
ad Baptismum.*

*I Cor.
14.*

C Vm beatissimus Apostolus in Ecclesia omnia honeste atque secundum ordinem fieri jubeat; debet Baptismus, summâ mentis, in Deum & in sacratissima quæ aguntur mysteria, intentione, & dari & accipi. Quare, quicquid hinc Susceptores seu alios adstantes avocat, procul tollendum est. Accedatur itaque, deposito omni fastu, humili spiritu, ac recta in Deum fiducia; quemadmodum accesserunt, qui Iesu parvulos obtulerunt, ut manus eis imponeret. Nam hic renunciatur satanæ, & omnibus operibus atque omnibus pompis ejus. Conveniaturque ante inter Patrinos de nomine infantis; ut potius in baptismo ipso cogitetur de lucranda anima Christo, quam de retinendo nomine.

C A P. VII. *Baptismus in facie Ecclesie
peragendum.*

M Agna certe ratione Ecclesiasticis Patribus vistum est, ut Baptismus in conspectu Ecclesiae, in loco sacro, recipiatur; nisi tammen imminentis necessitas fieri aliud suaserit. Quamobrem displicer Nobis, quod quidam fastuosi, templum Domini despicientes, ambitiunt magis, suos infants in dominibus privatim baptizari. Quod deinceps, nisi necessitas id ipsum exegerit, & caute cognitio praecesserit, indulgere nolumus.

C A P. VIII. *In Confirmationis exhibitione quid docendum.*

*Act. 8.
19.
De conf.
diss. §. c.
novis.*

I Tidem, dum Sacramentum Confirmationis confertur, docebunt Vicarii Nostrri in Pontificalibus, quid agatur; nempe quod illuc ambiatur gratia Spiritus sancti, qua confirmatur tyro adversus satanæ tentationes roboraturque, ut, quod corde credit ad ju-

stitionem, ore quoque palam confiteatur ad salutem. Quamobrem eo communiri solet *Rom. 10.* ætas tenera, quæ ad nequitiam proclivior est quam ad pietatem, ut ea proclivitas minuantur, docilitasque ad pietatem augeatur. Omnes fideles (inquit Vrbanus Pontifex Romanus) per manus impositionem Episcoporum, Spiritum sanctum post baptismum accipere debent, ut pleni Christiani inveniantur: quia, cum Spiritus sanctus infunditur, cor fidele ad prudentiam & constantiam robatur. De Spiritu sancto accepimus, ut efficiamur spirituales; quia animalis homo non percipit ea, quæ sunt Spiritus Dei. De Spiritu sancto acceptimus, ut sapiamus inter bonum malumque discernere, justa diligere, iusta respire, ut malitia ac superbia repugnemus, ut luxuria & diversis illecebris ac fecdis indignisque cupiditatibus resistamus. De Spiritu sancto acceptimus, ut, amore vita & gloria ardore succensi, erigere à terrenis mentem ad superna & Divina valeamus. Sed de hoc alibi latius.

C A P. IX. *Quomodo ad Sacramentum
Confirmationis accedendum sit.*

A N expediat, imitari consuetudinem, qua observatur, ut, nedum adultis, sed & infantibus, detur Confirmationis, idque pransis, hic non definimus: quoniam quod Aurelianensi Concilio sancitum est, Nobis magis placuerit; videlicet, ut jejunii ad Confirmationem veniant perfectæ ætatis, ut moneantur Confessionem Sacramentalem facere priusquam accesserint, quod mundi, donum Spiritus sancti mereantur accipere. Cum enim hoc Sacramentum non sit necessitatis absolutæ, convenientius & utiliusabitur, si addatur admonitiuncula. At, antequam infans supra septimum ætatis annum progressus fuerit, parum aut nihil horum quæ aguntur intelliger, ne dicamus, meminerit.

C A P. X. *Cujus sint admonendi Susceptores Confirmati.*

Q Vemadmodum in baptismo Susceptores sunt, ita hic qui Confirmandum presentant ac coram Episcopo sunt; idque non admodum diversa ratione; nisi quod quidam etiam dicunt, decens esse, ut, qui nondum aduersus Carnis, Mundi ac Satanae tentationes roborati sunt, per Confirmatos jam dum, atque exercitatos sensus habentes, quibus fides Confirmandi cognita atque explorata sit, Episcopo presententur. Quamobrem quoque admonendi sunt isti officii sui, curandumque, ut tanti Sacramenti perceptio digne ac reverenter peragatur; quemadmodum in primitiva Ecclesia observatum legimus.

C A P.